

6. X

# Antwort auff des D. standers Schmeckbier.

Wolff Waldner.

Matthæi, XXIII.

Es werden falsche Christi/ vnd falsche Propheten  
auffstehen/ vnd grosse zeichen vnd wunder thun/ das ver-  
füret werden in irthumb (wo es möglich were) auch die  
ausserwelten/ Sihe/ ich habs euch zuvor gesagt.

| Matthei. VII.

An ihren fruchten solt jr sie erkennen.

Matth. XII.

An der frucht erkennet man den baum. Ir Ottern  
gezichte/ wie künd jr gutespreden/ dieweil jr böse seide:  
Wes das hertz vol ist/ des gehet der mund ober. Ein gut  
mensch bringet guts herfür/ aus seinem guten schatz des  
herzen/ vnd ein böser mensch/ bringet böses erfür/ aus sei-  
nem bösen schatz.



Quintus Curtius Rufus  
Historiae Alexandri Magni

liber 11

Manuscript

Fragment of text, likely bleed-through from the reverse side of the page.

Manuscript

Fragment of text, likely bleed-through from the reverse side of the page.

Manuscript

Fragment of text, likely bleed-through from the reverse side of the page.

Pol. 6. II. 919 ad 11



E

749 147

# Antwort auff des Osianders Schmeckbier.



Wann nur ein wenig  
gesünckle natürlicher er-  
barkeit in Osiander were / wil  
geschweigen so grosses erkent-  
nis des worts Gottes / wie er  
sich rühmt / so würde er ja ni-  
cht so poltern / stürmen und le-  
stern / sonder seinen zorn ein we-  
nig lindern und bescheidenlich  
er mit den leuten handeln / wie

einem Christlichen lerer gebüret nach der regel S. Pauli. 1.  
Tim. 3. Ein Bischoff sol sitzig sein und gelinde / nicht po-  
chen / nicht hadderhassig / nicht eigensinnig noch zornig.  
Sonderlich gegen denen / die bisher seine person und was  
er gutes von Gott empfangen / nie getadelt / sonder allein  
seinen irthumb angegriffen / nach dem er ihn selbst an den  
tag gegeben / und diesen Lermen angefangen hat / da er uns  
und andere für falsche lerer ausgab / als die zu kale und  
nicht recht von vergebung der sünden und der widderges-  
burt solten leren.

Aber wie kan er anderst / denn wie er alwege gethan  
hat: Wenn mann ihm einredet das er sich vn menschlich  
erzürnet / vñ mit lestern und schmachworten / seine ungedule  
sehen lies / wie des noch viel hundert menschen wissen. Ja  
wie solt er anderst thun / denn / nach dem ihn sein geist noch  
treibet und füret. Und wer seine erschreckliche lester wort /  
so er innerhalb zweien jaren im druck und brieuen öffent-

Wich vnd heimlich hat lassen ausgehen / zusammen lese / der  
kündte wol ein zimlich büchle vol zusammen bringen / wil  
geschweigen der öffentlichen vnwarheit / vnd da er viele  
mals wider sich selbst ist.

Dieser kan ja kein guter geist sein / weil seine werck so  
arg vnd böß / vnd seine fruchte nichts den Heidnische lester  
rung vnd vnmenschlicher zorn vnd grim sein. Darumb  
nimpt mich nicht runder / das er mein schreiben vñ Vor  
red auch ansticht / vnd seinen Jüngern einen Schmeck  
truncf daraus zuseuffet / die ihn lang darumb langesucht  
vnd gebeten haben / wie er selbst meldet / vnd ist auch ihr  
größt freud vñ höchste kunst / wo sie nicht selbst schmach  
w r. gnugsam erdichten können / das sie doch andere / de  
nen es von natur angeboren ist / darzu verursachen.

Sonst hette er mich wol vbergehen / vnd meine Vor  
red verachten mögen als an der im nichts gelegen / wie ich  
mich denn selbst viel zu vngeschickte / zu vngelert vñ zu vn  
würdig erkenne / das ich an diesem heiligē Keigē so viel ges  
lertter Manner tanquam anser inter holores sol stehen / vnd  
mit ihnen würdig werden / vmb meines lieben Herrn Chri  
sti willen schmach zu leiden / Aber was grössere freud vnd  
fröligkeit möht ich haben / denn / das ich neben andern  
Christlichen / Marterern vnd trewen dienern Gottes / auch  
der seligkeit vnd des lohns zugewarten hab / den vns vn  
ser lieber getrewer Heiland verheissen hat / Math. 5. do er  
spricht / Selig seid jr / wenn euch die Menschen vmb mei  
nen willen schmehen vnd verfolgen / vnd reden allerley  
vbels widder euch / so sie daran liegen.

Wenn ich ein Irregeist vñ Lügēprediger / ein heuchler  
vnd achseltreger were / oder hielte nur das maul / so wolte  
ich wol vngeschmecht bleibē / vñ auch der besten einer sein /  
Gott gebe wie vnd was ich vor bey dem Euangelio vnd  
der kirchen Gottes gethan hette / da die gefahr vorhanden  
war / ich were bey meinen Schefflein bleiben / oder wie ein  
Miedling

Miedling daruon gelauffen/so ich nur jzt wider des O-  
fianders irthumb nichts redet/so köndt er mich wol dar-  
uon rechtfertigen / das ich in der that vnd warheit nie  
vnrecht gethan hette.

Nun der allerheiligist man ist einredens nicht ge-  
wonet/er meinet seine zunge sol gelten im Himel vnd auff  
Erden/ihm sol nur kein mensch widdersprechen/oder (wie  
er offte drowet) er wolle ihn für der ganzen welt zu schand-  
den machen/das ers sein lebenlang nicht solt abwischen.  
Behüt Gott / wie ein feiner sanffmütiger/stiller vnd ge-  
dulziger Herr ist das/hat er doch alle tugenden an jm/die  
ein solcher Rabbi Primarius haben sol nach der weissa-  
gung S.Pauli.2.Tim.3.das in der letzten zeit solche mens-  
chen komen sollen/Heilig/Rhümretig / Hoffertig / Leste-  
rer / Vndanckbar / Vngeistlich / Störrig / Vnuersönlich/  
Schender/Wild / vnd Vngütig / solten sich seine junge  
Kabulæ nicht billich frewen/vnd ihrem schwarzen Gott  
trewlich für diesen Meister dancken/der ihre brieff vnd  
Klag so bald erhöret/vnd ihnen das beste von seiner heilig-  
keit mittheilet/nemlich ein ganz vass voll vnwarheit/vñ er  
schröcklicher lesterung vnd schmachwort.

Er soll aber am Jüngsten tag/sofern er nicht Buß  
thut/die ich jm doch von hertzen gönne vnd bitte/wol er  
faren/wieischweer es jm wirt zuuerantworten sein / wenn  
er dem Herrn Christo von einem jglichen vnnützen wort  
müs rechenschafft geben/sintemal/wie der Herr Christus  
selbst sagt/Matt.12.Aus deinen Worten wirstu gerechtfer-  
tigt werden/vnd aus deinen Worten wirstu verdampt  
werden.

Ich aber für mein person dancke mit S.Paulo. 1.  
Tim.1.vnserm lieben Herrn Ihesu Christo/der mich vnges-  
lerten/ schwachen vnd vnwürdigen / starck gemacht vnd  
trew geachtet vnd aus einem Münch zum Prediger in  
das ampt gesetzt hat/der ich zuuor war ein lesterer vnd ein

Verfolger vnd ein Schmeher. Aber mir ist Barmhertzigkeit widerfarē/ den ich hab̄ vnwissen gethan im vnglauben/ habe derhalben keinen zweifel/ Gott habe mirs langst vergeben/ wie auch D. Luther vnd anderen. Ist derhalben an Osiander ein sehr böses zeichen / das er auch solche Barmhertzigkeit mir aus gnaden von Gott verliehen/nicht kan vngetadelt lassen/ so er doch auch selbst ein armer Messpfaß vnd abgötter gewest. Wil er aber Gott nicht dafür dancken/ weiß ich mich von seinem wegen nicht wider in das Kloster vnd kappen zustecken/ noch mich zu denen nicht gesellen/ die das wort Gottes felschen / sonder wil Gott in mein lieben Herrn von hertzen anrufen/ vñ in dem namen seines Sones bitten/ vmb seinen Heiligen geist/ das ich sein wort so mir vertrawet ist/ wiewol inn grosser einfalt vnd schwachheit/ doch rein vnd vnbesudlet / on alle menschliche treum/ vnd verfürische klugheit vnd hochheit der vernunfft/ möge bewaren bis in meine gruben hinein/ ich werde gleich Vhu oder Waldner darüber gescholten oder nicht/ ich trage ein geschabenen oder geflickten rock an/ da die andern die fülle haben vnd alles vollauff/ Das wenige sagt der. 37. Psalm/ das ein gerechter hat/ ist besser/ denn das gros gut vieler Gottlosen vnd Heucheler/ Ich bin in meinem Herrn Christo reich genug/ vnd habe einen almechtigen Got/ der mich vor aus der hand/ deren/ die mich hasten vnd nach dem leben stunden/ vmb seines namens willen erlöst hat/ der wird mich noch nicht hungers sterben lassen/ noch nacktet gehen / des bin ich gewis/ Denn er spricht Pro. 22. Wo man leidet in des Herren fürcht/ da ist reichthumb/ ehre vnd leben.

Darumb alle schmach/ lesterung vnd vnwarhafftig fürgeben / so fornen an vnd zu letzt in des Osianders Schmeckbier angezogen werden/ sind so öffentliche vnwarheit vnd faule/ lame/ lose teding/ das sie keiner verantung werd sein/ vnd zumal einem so alten Theologo vbel  
anster

ansehen/der seinen widderfachern mit keinen gegründten beständigen/ auffrichtigen argumenten aus der Heiligen schrift begegnet/ sonder mit eitel schmachwort/ vnd was er schon fürbringet/ so drehet er doch so gefelchten verstand darein/ das ers alles wider mit seiner vnterscheid/ dentteley /folgerey vnd Troplerey verterbt/ das es abermal keiner warheit gleich sein kan/ Derhalbē sage ich noch/ das er soviel vngegründte ding auff mich dichtet/ das ich sie nicht verantworten mag. Denn ich ja die Vorrede weder von den Wittenbergern/ noch D. Morlein zu schreiben verursacht worden bin / viel weniger die leut von des würdige Herrn Luthers büchern abzuführen begert das sie die nicht lesen solten/ das kan ich für Gott mit warheit zeugen/ sonder hab die leut darzu vermanet/ sie solten des D. Luthers bücher fleissig lesen/ das werden mir noch viel lebendiger zeugen gestehen.

So ist auch das gar nicht war/ das ich die Vorrede heimlich vnd one erlaubnus solt haben drucken lassen. Was müssen denn das für ehrliche leut sein die jm das vñ anders mer/ mit vngründt geschriben haben? Ja so redlich sind sie das sie keinen namen habē/ vñ solche leut sind sie/ die hin vñ wider in die heuser schleichen wie Paulus sagt/ richten ein gewesch vber das ander an/ denn sie haben lust zu zancf vnd hader wie sie geartet sein/ darumb komen sie spricht der 42. Psalm / das sie schaw n / vnd meinens doch nicht von hertzen/ sondern suchen etwas das sie lestern mügen / gehen hin vnd tragens aus.

Ober das alles / so habe ich nie geleugnet/ das die Vorede bey den sprüchen nicht mein were/ Wer hat mich doch gefraget dem ich sie nicht bekennet habe? Oder solt das verleugnet/ das liecht geflohen/ vñ darumb ein liechtflüchtiger nachtvogel heißen/ wenn einer seine schrift gegen denen die in fragen/ bekennet/ vnd seines namen die ersten buchstaben darauff drücken lest / so müst jr Osian-

der euch selbst ein leichtfertigen Nachtraben heissen/werd  
jr das Büchle von dem Newen gebornen Abgott vnd  
Antichrist zu Babel habt lassen in druck ausgehen/An  
no 1550. vnd nicht mehr denn ewrs namen die ersten  
Buchstaben/als A. O. darauff lassen drucken/ Ja viel  
mehr darumb/das ewer Bekenntnis wider das Interim  
gar on ewren namen ist gedruckt worden. Wo stehet jr in  
ewrer Kirchenordnug vnd Catechismo vnterschrieben?  
Solt darumb daraus volgen / jr verleugnet denselbigen/  
vnd wolt euch nicht darzu bekennen? Das werd jr freilich  
nicht sagen. Ja spricht jr/ich hab sein allein macht vnd  
recht/ jr aber nicht. Ach des elenden Mans / der sich an  
der leut so leichtlich bewegen/vñ auffringen lest/vnd sich  
so gar nach dem hören / sagen vnd vermuten richtet/ fe  
het denn darnach ein gros geschrey an/ vnd sucht dort ein  
wörtlein/vnd da eines/das er zu Calumniern hab / Damit  
macht er den leuten ein blawen dunst fur die augen/ für  
sie bey der nasen hin vnd wider / das sie meinen / es sey  
köstlich ding/was er furgibt.

Weil er denn hie öffentlich überwiesen/ vnd jm seine  
ungegründte anklag wider zu haus kompt / was solt  
man denn auch bessers von dem andern seinem fergeben  
vnd deuteley halten? Er sagt bald im anfang/ das ich  
die sprüche habe aus der 3. Schrift zusammen geraspelt/  
vnd zeige nicht an/warumb/oder zu welchem ende. Vnd  
doch solche anklag verlegt er ihm selbst vnd bezeuget/das  
er mir vnrecht thu / Denn zu letzt setzt er die Ursach aus  
meiner Vorred selbst/vnd spricht. Entlich sagt er / Er  
hab das Buch vmb der willen in druck geben / die der  
warheit begirig sein. Das ist nicht allein gnugsam ange  
zeigt/ warumb oder zu welchem ende. Sonder es ist  
auch mein warhafftig vnd guthertzig fürnemen gewest/  
vnd darff in vber meine wort zu keinem lausleger. Denn  
ich die sprüche gar nichts fur in/noch wider in zusammen  
gelesen



gelesen hab/sonder fur mich/vnd die/so der warheit begi-  
rig sein/nach gelegenheit dazumal vnserer kirchen/ da sich  
manicherley trennens vnd zwispalt erhuber / Das weist  
auch das werck selbst aus/weil es alles schlecht vnd ein-  
feltig/vnd nicht, disputirlicher weis gestellet ist.

Wie kompt es aber/das dieses büchlein den Osian-  
der so hart in die augen sticht/ so er doch selbst bekennet/  
das es als vnshedlich ding ist gedruckt worden: Darumb  
spricht er/ Ich hab den gemeinen Man betriegen wollé/  
das er gedencken sol/Oslander lere allen denselbigen sprü-  
chen der Schrifft/dem D. Luther.D. Urbano Regio vñ  
M. Joanni Brentio stracks zu wider. So höre ich wol/  
es ist ihm alles vmb den gemeinen Man zuthun/das er dens-  
selben auff seinen teil möchte bringen/wie Paulus von sol-  
chen Lerern redet Acto.20. Aus euch selbs werden auff-  
stehen **VERVEX**/ die da verkerete Lere reden / die jün-  
ger an sich zuziehen. Hic latet anguis in herba, das sucht  
er/ das will er haben.

Das aber seine lere im Artickel der Rechtfertigung bei-  
de der 3. Schrifft vnd gemelten Lerern zu wider sey/bewei-  
set sich selbs/ denn sie machen keine vnterscheid zwischen  
der Erlösung vnd Rechtfertigung / wenn sie geglaubt  
werden/ sondern/leren einhelliglich/Christus Ihesus wa-  
rer Gott vnd Mensch mit seinen zweien naturen zu gleich/  
als ein einige vntzertrente Person vnd Mitler/sey der glau-  
bigen Gerechtigkeit vnd Rechtfertigung durch den glau-  
ben in seinem Blut/das ist/in seinem Verdienst/Erfüllung  
des Gesetzes/vnd seiner herrlichen erlösung / die er durch  
sich selbst hat ausgericht / wenn wirs glauben / das fur  
vns geschehen ist/zur Vergebung der Sünden / das vns  
Gott vmb dieses Mitlers willen keine Sünde wil zurech-  
nen/sonder allein seine Gerechtigkeit/die darin stehet/ das  
vns Christus Iesus durch sein leiden vnd sterben erlöset  
hat von allen Sünden/ vnd darumb von den todten  
B  
aufferz

aufferstanden / das sie durch das Euangelium auff alle  
glaubige kōndte gebracht werden .

Daher nennen sie vnser Gerechtigkeit / wie auch der  
Heilige Geist selbst thut mit mancherley namen / jzt Chris-  
stum Jesum / jzt seine Erlösung am Creutz / seine erfüllung  
des Gesetzes / sein blut / leiden vnd sterben / aufferstehung /  
vnd die vergebung der sünden etc. darumb / das die Chris-  
sten von keiner Gerechtigkeit des glaubens wissen / die für  
Got gelten solt / denn die da stehet in vergebung der sünden  
durch Christum / oder in dem Tod vnser lieben Nütlers  
Jesu Christi / vnd darumb spricht D. Luther ausdrück-  
lich in den Summarijs vber den 32. Psalm / Summa  
vnser Gerechtigkeit / heist auff Deutsch / Vergabung vnser  
sünden / Sünde nicht zurechen / Sünde bedecken / Sünde ni-  
cht sehen wollen. Item vber die wort Johannis 16. Der  
h. Geist wird die Welt straffen vmb die gerechtigkeit / das  
ich zum Vater gehe / spricht Lutherus / Die Christen sollen  
kein andere gerechtigkeit wissen / damit sie für Gott besteh-  
en / vnd gerecht gesprochen werden / denn diesen gang  
Christi zum Vater / welcher ist nichts anders (wie offte ge-  
sagt) denn das er vnser Sünde auff seinen hals genomen /  
vñ sich vmb derselben willen lesset am Creutz tödten / be-  
graben / ist in die Helle gefaren / aber nicht vnter der sün-  
de noch Tode / vnd Helle blieben / sondern hindurch gan-  
gen / durch seine Aufferstehung vnd Himelfart / vnd nu ge-  
waltiglich herrschert zur rechten hand des Vaters vber alle  
le Creaturen .

In seinem Lateinischen Esaiä am 60. Capit. vber  
die wort: Dein Volck sollen eitel gerechte sein / spricht er:  
Das ist ein klarer Text / das alle / die in der Kirchen sind /  
das ist / glauben an den gecreuzigten Christum / die sein ge-  
recht etc. Derhalben ist das die Gerechtigkeit / die für Got  
gilt / nicht das wir dieses oder jenes thun / oder leiden / son-  
der das vns der h. Geist erleucht / das wir erkennen vnd  
wissen

wissen/das Jesus Christus vnser Heiland sey/der vns mit seinem Tod von der sünde/ vnd dem Tod erlöst hat/ Diese Gerechtigkeit wirt vns im wort fürgetragen / vnd allein durch den glauben empfangen/welcher glaub sich an das wort helt/vnd gleubt/das er gerecht sey im Tod vnd verdienst Christi. Denn wir sollens gantzlich dafür halten vnd bekennen/das wir gerecht sein/ durch das vertrauen auff den Tod Christi. Wer das nicht thut/der lestert Christum.

D. Urbanus Regius in seinem Dialogo fol. 204. spricht: Darumb wenn du dieser Prophecey gleubest/nemlich / das Jesus Christus Gottes Son/ warer Gott vnd Mensch/deine sünde getragen habe/genug dafür gethan/sich zum Lösegelt für dich gegeben habe / dein Mittler worden sey/vnd dich durch seinen unschuldigen tod/Gott dem Vater widerumb versünet habe/ So hastu durch diesen glauben Vergebung aller deiner Sünde / vnd bist from vnd gerecht für Gott / wie die Euangelisten vnd Apostel / sonderlich aber S. Paulus/ Petrus vnd Johannes daruon lernen.

Das ist die frömbkeit der Christen/Christum erkennē für vnsern einigen Heiland vnd Seligmacher/ den Gott darumb gesand hat/das er vnser sünde tragen vnd bezahlen sol. Diese frömbkeit nennet S. Paulus eine Gerechtigkeit des glaubens / welche nicht auff vnsern wercken vnd verdienst stehet/sondern auff dem verdienst Christi etc. vñ was weiter hernach volget.

Item sehe einer seine Predig / warumb Christus den glauben ein werck Gottes genennet hab / vnd warumb der glaub allein from macht / Vnd in andern seinen Büchlein.

Johann Brentius in seinem Lateinischen Catechismo fol. 143. Des Abels opffer war nichts denn ein öffentliche predig / vnd bekentnis von dem zukünfftigen leiden

Christi/ damit zeuget Abel/ das er vergebung der Sünden/  
vnd warhafftige gerechtigkeit vñ Seligkeit suche/ in dem  
einigen opffer des verheissenen Samens.

Am blat 116. Wenn aber der König Christus von  
seines volcks Gerechtigkeit wil vrteilen / setzt er sich nicht  
zu Gericht/ sonder er geht zum Vater vñ vertritt sein volck/  
das i derman / der an in glaubet/ für Gott gerecht werde  
gerechnet. Diese ist die Gerechtigkeit / damit die glaubis-  
gen an Christum/ im gericht Gottes bestehē/ vñ zum ewi-  
gen leben erhalten werden.

Am blat 288. Darumb ist vnser Gerechtigkeit/ ver-  
bugung vnd nachlassung vnserer vngerechtigkeit.

Über den Euangelisten Lucam Fol. 6. Die ander  
gerechtigkeit ist vergebung vnd nachlassung der vngerech-  
tigkeit. Vnd sollen wir die vberkomen/ gehören zwey stück  
darzu/ Erstlich erkenntnis der sünden/ Darnach der glaub  
an Ihesum Christum/ das er für unsere sünde hab genug  
gethan/ vñ vns dem Vater versünnet etc. Vnd diese ist Allein  
dieselb gerechtigkeit/ vmb welcher willen die Veter / Pro-  
pheten/ Merterer/ vnd was der Gottseligen mehr gewesen/  
für gerecht sind geschert worden/ wird auch kein andere  
gerechtigkeit sein/ dardurch vnser nachkomen die seligkeit  
erlangen werden/ denn diese allein / welche ist / die verge-  
bung der sünde vmb Christus willen / durch den glaub  
ben.

Am blat. 133. Derhalben bleibt es noch bey dem/ das  
allein die vergebung der sünde vmb Christus willen vnser  
gerechtigkeit sey/ dardurch wir das ewige leben haben. Vnd  
solcher zeugnis sind ober die massen viel sonderlich in D.  
Luthers büchern ober die Epistel an die Galater/ am blat  
de. 3. 15. 16. 21. 102. 103. 157. etc.

Aber dem Wslander ist die vergebung der sünde/ das sie  
vns vmb Christus willē durch den glauben nicht zugerech-  
net/ werden/ ein Eiskalte lere/ vnd die werck/ verdienst/  
vnd

vnd gnugethunnung Ihesu Christi/ die erfüllung des gesetzes/  
sein tod vnd aufferstehung/ sein blut vnd gang zum Va-  
ter ein Creatürliche vnd Menschliche gerechtigkeit/ welche  
den Sünder bleiben leß wie er vor arg gewest / die könne  
gar nicht die gerechtigkeit Gottes sein/ die im Euangelio  
ist offenbaret/ das sie den gleubigen der ihm solche werck  
in Christo zueignet/ als d. s. Sons Gottes werck/ oder Chri-  
stum mit seinem verdienst ergreiffte/ gerecht mache / fonder  
das sey die gerechtigkeit die vor Gott gilt/ nemlich die wes-  
sentliche gerechtigkeit die vns wirt eingegossen/ vnd vns in  
der that vnd warheit gerecht macht/ oder wie er ein laus-  
tere/richtige antwort gibt in seinem Bekenntnis Q. 3. Die  
Göttliche natur vnd nicht die Menschliche/ oder die Gott-  
heit in Christo/ welches das ewige/ vn-sichtbare/ Göttliche  
wesen Gottes selbst ist/ aas sey vnser gerechtigkeit/ das lei-  
den vnd sterben Christi vnd seine Menschheit/ thu wol uiel  
dazu/ aber es sey vnser gerechtigkeit nicht.

Ob nu Osianders lehr der Heiligen Schrifft / vnd  
andern lerern entgegen sey oder nicht/ darff meines bewei-  
sens gar nicht/ es sollens alle Christliche lerer vrtailen / ob  
nicht das werck seinen eigenen Meister vberzeuget.

Nu wollen wir weiter besehen / mit was grund er  
meine Vorred Kezerisch heist / vnd mich darüber zum  
Kezer machē wil. Die grosse Kezerey sol die sein/ das ich  
in meiner Vorred diese wort gesetzt hab / spricht er/ Gött-  
liche und Christliche gerechtigkeit ist nichts anders denn  
Gottes gnad, sein vnaussprechliche lieb vnd barmherzig-  
keit/ wiewol er diese nachfolgende wort alle aussen leß/  
nemlich (vnd wie D. Lutherus seliger vber den 32. Psalm  
spricht/ Vergebung vnser Sünden/ oder sünde nicht  
zurechnen / Sünde bedecken / vnd Sünde nicht sehen  
wollen/ die vnser lieber Herr Ihesus Christus mit seiner  
menschwerdung vnd verdienst/ das ist/ mit seinem bitterm  
tod/ vnd Rosenfarben blut erworben/ vnd denen geschens-  
cket hat/ ja noch teglich durch das Euangelium vnd die

*Summa  
prima  
andrai.*

hochwürdigen Sacrament/ leßt anbieten vnd darreichen  
die es von gantzen hertzen annemen vnd glauben/das Chris-  
tus vmb irer sünde willen sey gestorben/vnd vmb irer ge-  
rechtigkeit willen wider auffstanden/Rom. 4. dennoch  
wil er mich schlechts zum Kezer machen. Ist das nu die  
grosse Kezerey vnd nichts anderst/so hat es kein not/den  
ob ich es sonst gar nicht zuuerantworten wüste / so were  
doch das gnugsam verantwortet/das freilich die Göttlich  
vnd Christlich gerechtigkeit / Nichts anders ist / denn ein  
lautere vberschwengliche grosse barmherzigkeit/liebe vnd  
gnade Gottes. Denn wie Paulus sagt/ Rom. 5. es sey die  
fülle der gnade/vnd das durch die Gerechtigkeit die gna-  
de hersche/ In der gerechtigkeit sicht man ja Gottes hertz/  
seinen willen vnd Gott selbst / wie er gegen vns gesinnet  
ist/denn da gibt er seinen einigen Son Ihesum Christum  
für vns in den tod zum Sündenopffer/auff das alle die  
an ihn glauben/nicht verloren werden/sonder das ewigeles-  
ben haben/ In diesem werck Christi vnd seiner Gerechtig-  
keit herschet die Gnade/ das mann nichts anders sihet  
denn Gottes gnad/das er seinen lieben Son in den todt  
gibt / vnd vns durch denselbigen zum ewigen leben er-  
helt.

Ist jm aber diese verantwortung nicht genug (wie  
man denn einem solchen geist nicht genug thun kan/man  
mach es wie mann wöll/so sucht vnd grübelt er doch so  
lang/das er etwas zu tadlen findet/vnd solt es ehe nur ein  
einiges wörtlein sein/ ehe das er der Kirchen Gottes ver-  
schonet vnd vnzelich viel ergernis verhüttet/ sienge er einen  
Wortzancf wider sein eigen gewissen an/wie er hie ober  
laut schreiet ober die zwey wort (Nichts anders) Sihe lies  
ber (Christ nichts anders) als were es nicht ein breuchliche  
gemeine einfeltige rede/die den gantzen handel mit sich fasa-  
set/der zu dem gehört/darvon die red lautet/ So wolle wir  
weiter sehen/wie die Kezerey wider from gemacht werden  
möcht.

D. Lutherus vber die Epistel an die Galater am  
blat 81. vnd 84. schreibt also. Werden wir aber nu durchs  
gesetz gerecht/so mus es ja nicht sein/das vns die gnad ge-  
recht machen solt/ (a sufficienti diuisione) Sintemal wenn  
mann alles / dadurch mann gerechtigkeit suchen kan/zus-  
samen rechnet/je nichts anders ist/dadurch mann gerecht  
werden möge / denn durch dieser zweier eines / entweder  
durchs gesetz/oder durch gnade. Werden wir nu durch  
gnade nicht gerecht/sondern durchs gesetz/was hat denn  
Christus gemacht vnd ausgericht mit seinem Predig-  
ampt/leiden vnd vberwindung der sünden vnd Todes/ vñ  
das er den Heiligen Geist gesand hat? Hæc Ille.

Wenn mich nu das Gesetz gerecht machet / wie es  
denn nicht thut/were es nicht mein gerechtigkeit? Tu macht  
es mich nicht gerecht/sonder die gnade Gottes in Christo  
Ihesu/warumb wolt sie vmb Christus willen nicht der  
glaubigen gerechtigkeit sein? Spricht doch Lutherus an  
vielen orten. Der glaub sey vnser gerechtigkeit/der solche  
gnade Gottes annimpt/ vns durch Christum erzeiget?  
Oder wollen wir die gnade von Gott vnd dem Herrn  
Christo abscheiden/vnd ein werck / Creatur vnd mensche-  
liche gerechtigkeit draus machen? Das würde ja seltsam  
zugehen?

Sie wird er aber sagen. Noch ist gnad nicht Gerech-  
tigkeit/denn da stehet das wörtlein durch. Ach du almech-  
tiger Gott/was wil doch nur draus werden in die lenge/  
wenn man mit der Heiligen schrifft/ so Procuratorisch  
vnd Juristisch wil ombgehen? Werden wir doch auff  
diese weis wol ganz vnd gar vmb den rechten verstand  
komen / wenn mann einem jedlichen wil zulassen/das ers  
drehe/ glosier/deute vnd biege wie er wil/nach dem er ver-  
meint das es ihm zu seinem handel diene.

Ich frage mit der Christlichen Kirchen gar nichts  
nach dieser Sophistery/ ich weis wol was diese gnade/  
liebe

liebe vnd Barmhertzigkeit Gottes ist vnd mit sich bringet/ das sie im Artikel vnser Rechtfertigung one Christo kein gnad/lieb noch Barmhertzigkeit sein kan/ oder der glaubigen Gerechtigkeit/ so ist sie auch on die werck Christi nicht/ Denn one Christo ist kein leiden noch blutvergiessen/ keine vergebung der sünden noch glaube/ der mich gerecht macht. Weil denn solches alles in der gnade Gottes beschlossen vnd verfasst ist / das eines on das ander nicht sein kan in diesem Artikel/ so ist Gerechtigkeit nichts anders denn gnade.

Vnd bin gewis das Christus Ihesus nach seiner Gottheit vnd Menschheit in einer vnzertrenten Person meine Gerechtigkeit/ aber nicht one oder aussershalb seiner werck vnd der gnaden Gottes ist. Es lassen sich die gnad / lieb vnd Barmhertzigkeit Gottes von Christo vnd seinen wercken nicht absondern / noch eines von dem andern in diesem Artikel nicht trennen/ werde ich Christi teilhaftig durch den glauben/ so wird der Son Gottes mein eigē durch den glauben/ welches geschicht/ wen ich glaub/ das ihn mir der Vater aus grosser lieb/ gnad vnd barmhertzigkeit gesandt hat/ das er für meine sünde hab bezalt/ vnd gnuggethan/ werde ich warlich durch diesen glauben auch der Gnade / lieb vnd Barmhertzigkeit Gottes teilhaftig / ja aller seiner werck vnd gnugthung/ als weren sie mein eigen/ vnd were selbst Gottes Son der sie gethan hat. Ist derhalben gar nicht Ketzerisch/ das ich spreche/ Göttliche vñ Christliche Gerechtigkeit ist nichts anders denn Gottes gnad / seine vnaussprechliche liebe/ vnd Barmhertzigkeit durch Christum vnsern Heiland.

Meinet aber die Nasweise vernunfft/ man mache auff diese weis vielerley gerechtigkeit/ das sich weder nach art der sprach/ noch natürlichem verstand nicht reumet/ auch ergerlich zuhören ist/ das glaube ich gern / leid aber nicht dran/ Denn es viel vngereimpter vnd ergerlicher bey  
der



der vernunfft lautet/das nur ein einiger Gott in einem ein-  
nigen ewigen Götlichen wesen sein solt / vnd doch drey  
vnterschiedliche person/Das Got der Vater ein andere per-  
son ist/ein andere Gott der Son/ein andere Gott der H.  
Geist/vnd das weder Got Vater/noch Gott der H. Geist  
mensch wird/sonder allein Got der Son / Dahin kan die  
vernunfft nicht kómen/wie sie auch nicht sol/das ihr viel  
einer sein sol/vnd ist dennoch war.

Darumb sol die töricht vernunfft wissen/das die H.  
Schriffte in glaubens sachen/ mit menschlichem verstand  
vnd vernunfft / die in Gottes sachen ein Herrin ist / nicht  
wil gefasset vnd angesehen werden/sonder mit dem glau-  
ben/es mus geglaubt sein/das man sich mit der vernunfft  
vnd eigen gutdünckel vnter den gehorsam Christi gefan-  
gen gebe/vnd las den H. Geist Meister sein/ der kan von  
solchen Götlichen hohen/vnd himlischen sachen viel besa-  
ser reden/denn wir menschen begreifen können/ Der weis  
auch von einem einigen handel auff mannicherley art vñ  
weise zureden/das es für vnsern augen scheinet/als were es  
widerwertig ding/vnd ist doch alles eines.

Also thut er auch in diesem Artikel mit der Rechtfertigung/von derselbigen redet er auff mannicherley weise/  
vnd mus doch eines dem andern nichts nemen. Denn so  
grosse Gnade Gottes ist vnser Gerechtigkeit/die für Gott  
gilt/vnd die wir durch Christum im glauben haben / das  
man sie nicht gnugsam preisen/ noch mit worten vnd na-  
men ausreden kan .

Daher kan auch ein glaubiger Christ mit Gott dem  
H. Geist zu grossem rhum vnd ehre dem Mittler Jesu  
Christo in der warheit sagen/Das Blut Jesu Christi/ sein  
ne erfüllung des gesezes / Seine Beill vnd wunden / sein  
gehorsam/leiden vnd sterben/sein thun vnd werck / sein  
tod vnd auferstehung/vnd sein gang zum Vater ist mein  
Gerechtigkeit vmb Christus willen/an den ich glaub/das  
es vmb

es vmb meiner sünde willen geschehen ist / Item das E-  
uangelium vnd erkenntnis Gottes ist mein gerechtigkeit / vnd  
das alles ist in Christo Jesu ein einige Gerechtigkeit / die  
für Gott gilt / auff diese weis redet auch die schrift / war-  
umb wolten wir mit jr nicht auch also reden / Isa. 53.  
Durch seine wunden sind wir geheilet. Durch sein erkenntnis  
wird er mein knecht / der Gerechte / viel gerecht mache / denn  
er treget jre sünde Sap. 15. Dich aber kennen ist ein vol-  
komene Gerechtigkeit / Isa. 54. Mit grosser Barmhertzig-  
keit wil ich dich samlen / Mit ewiger gnade wil ich mich  
dein erbarmen / spricht der HErr dem erlöser. Cap. 55.  
Ich wil mit euch einen ewigen Bund machen / nemlich /  
die gewissen gnaden Davids / Rom. 3. Wir werden ge-  
recht on verdienst aus seiner gnad / Ro. 5. Nach dem wir  
gerecht worden sind aus seiner gnad / Act. 15. Wir gleubē /  
durch die gnade des HErrn Jesu Christi selig zu werden /  
2. Tim. 1. Got hat vns selig gemacht etc. nach seinem fur-  
satz / vnd gnade / die vns gegeben ist in Christo Jesu vor  
der zeit der welt / jzt aber offenbaret durch die erscheinung  
vnseres Heilands Jesu Christi / der dem tod die macht ge-  
nommen hat. Tit. 2. Es ist erschienen die Heilsame gnade  
Gottes allen menschen. Tit. 3. Auff das wir durch dessel-  
ben gnade / gerecht vnd erben sein des ewigen lebens.

Vnd solcher sprüche ist die H. schrift voll / das der  
H. Geist von der Gerechtigkeit Gottes vnterschiedlich redet.  
Ro. 1. 3. 4. 5. 2. Cor. 5. Gal. 2. etc. Vnd ist doch alles  
ein einige gerechtigkeit Gottes / der mensch worden ist. Jer.  
23. 1. Cor. 1. vnser lieben HErrn Ihesu Christi / der sich  
selbst zur sünde für vns gemacht hat / auff das wir wür-  
den in jm die Gerechtigkeit / die für Got gilt. Aber es ist  
vnnöt dieselbigen sprüche alle zuerzelen / Diese hab ich allein  
vnd doch derselbigen wenig angezogen / denn jr viel mehr  
zu finden sein / das man neben des H. Geistes art vn̄ weisē /  
von vnser gerechtigkeit vnterschiedlich / vnd doch auff ein  
nerley

nerley meinung/ vnd sin zureden/ auch das sehe/ das Göttlich vnd Christliche Gerechtigkeit / Nichts anders sey/ denn ein lautere/ blosse vnd grosse gnade Gottes/ wie S. Paulus sagt/ durch desselben gnade werden wir gerecht.

Wil er aber noch sagen/ da stehen zwey wörtle/ Nichts anderts/ die schliessen je Christum aus/ das mag er für sich selbs reden. Darnach das wörtlen durch/ was durch einen geschicht ( wie er sagt) das ist er ja selbst nicht/ daraus ist klar/ das weder die gnad Gottes/ noch das leiden vnd sterben Christi/ noch seine Auferstehung vnd gang zum Vater die Gerechtigkeit Gottes nicht ist. Ja/ die selbwesende gerechtigkeit Gottes/ nicht die im Gesetz wird offenbaret/ vnd dafür kein mensch / der das Gesetz nicht helt/ bestehen kan/ Aber die gerechtigkeit Gottes ist vnsers Herrn Jesu Christi/ die im Euangelio wird offenbaret/ vnd zugerechnet/ dem der an Christum gleubet / das seine sünde auff im ligen.

Vnd solte aber alle macht vnd der ganze handel allein auff dem wörtlen durch stehen / wie er denn mit gewalt drauff dringet/ das man des Osianders deuteley vnd folgerey vber diesem wort durch müste für gewis halten vñ annemen/ So bekennet hiemit Osiander öffentlich/ das Christus Jesus auch selbst vnser Gerechtigkeit/ nicht were (daruor vns alle Gott gnediglich behüte) denn die 3. Schrift sagt durch Christum werden wir gerecht/ durch Christum sein wir erlöst/ durch Christum kommen wir zum Vater / durch Christum haben wir das ewig leben. In summa / durch Christum haben wir die gerechtigkeit/ Item wir redeten mit Luthero ketzerisch vnd vnrecht / nach des Osianders glöseln vber das wort durch / wenn wir sagen / Der glaub ist vnser gerechtigkeit/ denn die Schrift sagt / Durch den glauben werden wir gerecht/ Müste auch Christus vnrecht geredt haben/ Matth. 9. vnd anderswo/ das er spricht/ Dein glaub hat dir

dir geholffen. Item Paulus der glaub macht selig / Denn also solten sie sagen / durch den glauben wird dir geholffen / durch den glaubē bistu selig. Das mans nicht auff Apostolische vñ Theologische / sonder Osiandrische / vñ Essentialische weise verstünde. Aber da nimpt der Sophist ein wörtlein für sich / vñ wenn er im ein glöse darüber getreumet / fehlet er denn ein poltern vnd ketzern an / mann greiffe S. Paulo in das maul / vñ man trete seine lehrē vñ uerschempfer weis mit füßen / das doch alles von im selbst geschicht / vnd auff in bewisen worden ist vnd noch.

Wir wollen aber sehen ob man solcher Ketzler mehr / wie er mich einen heist / vnd die wort Nichts Anders inn diesem handel finden könd. D. Luther seliger / inn der kirchen Postil des 19. Sontags / da er von der Gerechtigkeit / so für Gott allein gilt / redet / heisset er die gerechtigkeit gnad die gnad / aber vergebung der Sünden / vñ spricht vnter andern also: Das ist nu die (Gerechtigkeit) so man heisset / Gottes gnade oder vergebung der sünden / daruon Christus in diesem vnd andern Euangelien sagt / welches ist nicht ein Irdische / sondern Himlische gerechtigkeit / nicht vnfers thuns vñ vermögens / sondern Gottes werck vnd geschenck etc. Das ist auch der einige Artickel vnd lere / dauon wir Christen werden vnd heissen / Ja das machet allein einen Christē / das er diesen Artickel mit dem glauben fasse / vñ wisse / er sitze vnter dem Reich der gnaden / da in Christus vnter seine flügel genomen / vñ an vnserm vergebung der sünde schencket / Wer etwas Anders suchet / oder mit Got Anders handeln wil / der wisse das er kein Christē / sondern von Got verworffen vñ verdampt ist.

Darumb gehöret kunst vñ verstand dazu / das man dise gerechtigkeit ergreiffe vñ habe etc. Denn es ist keine höher Predigt / denn von der gnade vñ vergebung der sünden / noch sind wir so heilose leute / das / wens jemand einmal gehöret oder gelesen hat / so kan er / vnd ist bald Meister vnd

vñ Doctor, suchet darnach etwas hohers, als hette er als  
les ausgericht/machet newe Rottē und spaltüg, Ich ha-  
be nu selbst so viel jar darüber gelernet/vñ mit allem vleis  
getrieben (mehr denn keiner/dere/die sich düncken lassen sie  
könnens) mit predigē/schreibē/lesen etc. noch kan ich mich  
keiner meister/chafft rhümen/vñ mus fro werden/das ich  
ein Schüler bleibe/mit denen/die erst anfahen zu lernen.

Da hörē wir das Lutherus Gottes gnade der Chris-  
sten Gerechtigkeit heist/die allein fur Gott gilt/vñ nennet  
diese gnade ein vnaussprechliche gabe/ Wie er auch thut  
im 3. teil fol: >5. die man den leuten nicht kan mit worten  
einbilden/das sie es theur vñ so hoch achten / als an im  
selbs ist. Was er aber gnade heisset / das heisset er verge-  
bung der sünde/vñ widerumb. Darumb spricht er von  
gnad vñ vergebung der sünde bald hernach. Darumb sage  
ich/man solle lernē/ Das die Christliche Gerechtigkeit ni-  
chts anders sey, das man nennē oder dencken kan/on allein  
vergebung der sünde/das ist/ein solch Reich/oder Regi-  
ment/das nur mit sünden vmbgeht/vñ so vberschweng-  
liche gnade/die allen zorn wegnimpt.

Item D. Luther im 5. teil am blat 88. So haben wir  
gesagt/Gerechtigkeit ist die vns Got gibt im hertzen/also  
das wir dadurch warhafftig vñ gerecht werdē/damit er  
warhafftig vñ gerecht ist. Das ist nichts anders denn  
seine gnade/ dadurch wir auch im hertzen gesinnet wer-  
dē/wie er etc. Besihe auch den 3. teil seiner bücher am blad  
>5.>6.>7. da wirstu finden/das die Götliche vñ Christ-  
liche gerechtigkeit nichts anders ist den Gottes gnad/seine  
vnaussprechliche lieb vñ barmherzigkeit / Warumb solt  
ich nicht auch also reden:

Wenn ich ein Osiandrischer Essencialist were/vñ het-  
te diese wort gesetzt: Götliche vñ Christliche gerechtigkeit  
ist nichts anders denn Gottes gnad / seine vnaussprechliche  
lieb vñ barmherzigkeit/da würde Osiander sagē / Es  
ist recht vñ wolgered/den Gottes gnad/seine lieb vñ barm-  
herzigkeit/ist Got vñ das Götlich wesen selbst/wie seine

weisheit/frömbkeit vnd gerechtigkeit / warumb wolt es nicht die Göttliche gerechtigkeit sein / weil nichts anders Göttliche gerechtigkeit ist denn Gott vnd Gottes wesen selbst:

Wie das er mich mit dem einigen wort Gnade wil zum Ketzer machen aus S. Paulus worten / die doch in keinem wege wider mich sein / denn allein was er hindena nach glosieret vnd lest die andern zwey Lieb vnd Barmherzigkeit wol vnuerleget? Er / weis vилleicht keine schrifft darwider / oder er hat sorg er möcht wider sich selbst reden / vnd wider die schrifft / die do sagt / Got ist die lieb. So gar gewis ist er seines handwercks / das er einen in einem hui weis zum Ketzer zumachen.

Sihe nu du zu / du armes Ketzerle / dein Bier ist in summa nicht gut / Es ist so gar verterbt / vnd so bitter sawr / das es dem Ketzermeister in die nasen reucht / vnd möcht in toll machen / Wo wiltu nun aus? Da mustu in deinem geschabenen röckle / der ganzen Welt zu spot stehen / nackt vnd blos / on Wein vnd Bier / on vorrad vnd gelt / du must mit dem heiligen Luthero / mit deinem Nichts anders / des Nachts Anders Ketzer sein / vnd wirst kein Marderer Kock mit grossen / weiten / tieffen / lange ermeln / haben anzulegen / kein gülden ketten an den hals zuhengē / noch güldē ring an die finger zustecken / du wirst allerdings nach dieses Ketzermeisters meinung müssen verterben.

Wolan ich wil mich gleich auff Gottes gnade / seiner vnansprechliche lieb vnd Barmherzigkeit / vnd auff Nichts anders ergeben / vnd mit gedult warten / was Osiander mit D. Luthero / von dem ich die wort / Nichts anders / habe / werde anfahen.

In des aber wil ich fur bekant annemen / das er offentlich bekennet / die erlösung Christi am Creutz geschehen / sey nicht der gleybigen gerechtigkeit / es sey nur ein werck des Jehoua / das ist / der Göttlichen natur / oder des Göttlichen wesens / Das heisset ja frey vnd öffentlich bekennet

Pennt wider alle die/ so es bisher nicht haben glaubē wol-  
len/ das Ofiander also lere/ Helffe jm nu Gott/ der mus  
auch Richter in der sach sein / wer der rechte Ketzer/ Ich  
oder er sey/ er mache nu das heilige leiden vñ sterben Chri-  
sti vnd sein Blutuergiessen/ zum sessel oder stul/ darauff er  
seine wesentliche gerechtigkeit stelle vñ setze/ so helt er doch  
nichts darvon/ denn er gibt jm das nicht/ das jm die 3.  
Schrifte gibt vnd gebüret/ nemlich / das es reinige / vnd  
von sünden rechtfertigt/ alle die an Jesum Christum glaus-  
ben .

Dargegen aber glaube ich festiglich von grund mei-  
nes hertzen/ das die erlösung Jesu Christi/ sein leiden vnd  
Blutuergiessen meine gerechtigkeit ist fur Gott vmb Chri-  
stus willen/ wenn ichs glaube/ das fur mich/ meine sünden/  
vnd mir zu gut geschehen ist/ Denn solches alles bringet  
mir Christus/ vnd macht sie mein eigen/ Darumb ist vns  
Christus worden/ vñ von Got zur gerechtigkeit gemacht/  
das er als warer Gott vnd mensch / als der Mittler vnd  
Hohepriester/ mit seinen wercken vnd verdienst gantz vnd  
volkomenlich geglaubet/ ergriffen vnd gefasset / vnd eines  
von dem andern nicht abgesondert werde. Darumb das  
er fur vns gegeben / vnd alles von vnsernt wegen gathan  
hat/ darbey wolle mich mein trewer Gott vnd alle from-  
me Christen gnediglich erhalten / vnd seinen 3. Geist in  
das hertze geben/ das dieser glaub alle tag wachse vñ ster-  
cker werde/ damit wir vor der vergifften klugheit der Teuf-  
lischen Schlangen verwaret sein / vnd vnserm trewen eia-  
nigen Mittler / vnd Got vnserm Himlischen Vater sein  
rechte gebürliche ehre geben .

Was er aber ferner gantz vnfreundlicher vnd vna-  
christlicher weise Sophisticiret / da thut er mir eins teils  
offentlich gewalt vnd vnrecht/ Anders teils verkeret er mei-  
ne wort/ ob er jm vrsach erdichten möcht/ mich mit fug  
anzugreifen . Ich habe von keinem blossen blut gesagt/

Das

das nicht des Herrn Jesu Christi/ als des waren Gottes  
vñ mensche blut were. Ist auch in mein gewissen/ hertz vñ  
gedanken nie komen/ die getraumbte deuteley / so er mit  
vielen schmachworten vber mich ausgibt / das ich den  
leuten/ als ein feindseliger Nachtvogel gern wolt einbil-  
den/ als het Osiander gesagt/ vnd volget aus seinen wor-  
ten/ Christus het seine Gottheit am Creutz vergossen/ Wie  
mag doch ein mensch aller ehren vnd warheit so gar ver-  
gessen? Er mus je ein böses gewissen haben/ das im selbst  
vieler irthumb bewusst ist.

Der handel stehet auff diesen zweien stücken/ zum er-  
sten das Osiander den spruch 1. Johan. 1. Das Blut Jesu  
Christi macht vns rein von aller Sünde / anderst deu-  
tet denn in Johannes geredet. D. Luther vnd alle andere  
Christliche lerer bisher haben ausgeleget/ vnd spricht; O-  
siander/ da mus man auch verstehen/ die Gottheit Christi/  
die im blut ist. Denn Johannes redet hie nicht vom blut  
Christi/ wie es am Creutz vergossen ist/ sonder wie es im  
glauben/ sampt dem fleisch Christi/ vnser Himlische spei-  
se vnd tranck ist.

Wer wil nu dieser auslegung gewis sein/ das sie vns  
nicht verführe vnd allerding das thewre blut Ihesu  
Christi raubens: welches Bluts/ ein einiges tröpflein  
spricht Lutherus ad Gala. fol. 100. viel vnmesig  
größer vnd köstlicher ist/ denn alle Creaturen auff einen  
hauffen geschmelzet/ jmer mehr sein mögen / ja alls alle  
sünde der ganzen welt. Wem müssen wir nu volgen / da  
stehet Johannes vnd spricht/ das Blut/ blut/ spricht er /  
Ihesu Christi/ macht vns rein von aller sünde. Dargegen  
sagt Osiander. Da mus mann verstehen die Gottheit im  
blut. Hat auch jemand sein tag diese auslegung jemals ge-  
wusst oder gehört? Freilich vor dieser zeit nicht / Darumb  
weil sie new/ vnd eines menschen gedicht ist/ wider die kla-  
ren vnd hellen wort S. Johannes/ der da sagt/ das blut  
Ihesu Christi reiniget vns von aller sünde/ wenn wir glau-  
ben?



ben/das es für unsere sünde vergossen ist/ So lassen wir  
nur diese ungegründete deutley faren/ vnd halten vns an  
die wort Johannis/ wie sie Lutherus vnd andere ausles  
gen.

Vnd sage das / meinet Oslander mit dieser ausles  
ung nicht das blut / das Christus am Creutz vergossen  
hat / wie man denn noch aus seinen Worten versteht / so  
macht er dreyerley Christus blut/ Eines das als ein werck  
am Creutz vergossen ist / Das ander ein Himlisch / das  
man geistlich trincket / vnd die Gottheit in vns bringet/  
Das dritt/das Sacramentlich blut/darumb er mich stra  
fet/ das ich jm dasselbig einmenge. Ich sage aber noch/  
wenn er das blut Christi / das als ein werck am Creutz  
vergossen ist / nicht meinet/denn ich kan es noch nicht an  
ders verstehen/so mus es je ein anders blut sein / das die  
Gottheit Christi in vns bringet.

Wo wollen wir aber sonst ein blut Christi finden/  
das vns von sünden reinige / denn eben das Blut Christi/  
das er am creutz von wegen vnsrer sünde vergossen hat/  
Wil er aber sagen was vns reiniget vnd rechtfertiget (wie  
denn reinigen vnd rechtfertigen eines ist) mus selbst gegen  
wertig bey vns vnd in vns sein/ wie er in seinem bekentnis  
sagt. Das blut Christi aber sey als ein werck vor 1500.  
jaren am Creutz vergossen/ das nicht als ein werck in vns  
sein kan/noch gegenwertig/vnd derhalben nicht vnser rei  
nigung. Da leid nicht an/ es darff nicht wider auff's new  
vergossen werden. Heb. 9. Christus ist durch sein eigen blut/  
einmal in das heilige eingegangen/vnd hat ein ewige er  
lösung erfunden/diese erlösung ist die reinigung vñ recht  
fertigung aller Christen / dadurch sie das erbe Gottes  
haben/denn also spricht die Epistel. Denn so der Ochsen  
vnd der Böcke blut/ vnd die aschen von der Küe gespren  
get/heliget die vnreinen/zu der leiblichen reinigkeit/Wie viel  
mehr wird das blut Christi/ der sich selbst on allen wan  
del/

del/durch den H. Geist Gott geopffert hat/vnser gewis-  
sen reinigen von den todten werckē/das ist/von aller sün-  
de/wie Johannes sagt.

Christus ist einmal gestorben / stirbt hinfuran nicht  
mehr/Er hat sein blut einmal am Creuz vergossen/das es  
noch alle gleubigen von sünden reiniget/ Vnd ob es wol  
vor 1500. jaren vergossen ist/nimpt der sachen gar nichts/  
Ist doch Christus auch vor 1500. jaren gestorbe/ist denn  
noch sein tod des creuzes aller gleubigen leben / ja er gibt  
vns keinen andern leib/ noch kein ander blut in dem heil-  
gen Abentmal / denn eben den leib/ den er für vns in den  
tod gegeben/vñ das blut das er für vns am creuz vergos-  
sen hat/ es sey ein werck vñ creatur/ wie es wöll/ so sind  
doch die wort lauter gnug im Abentmal / Matthei 26.  
Nemet/esset/das ist mein leib/vñ wie S. Lucas sagt / der  
für euch gegeben wird/ Das ist mein blut des Newen Te-  
staments/welchs vergossen wird für viel zur vergebung der  
sünden. Er sagt von dem blut das vergossen ist/ Denn  
on blutuergießen geschicht kein reinigung noch erlösung.  
Darumb leget Oslander die wort Johannis nicht allein  
vnrecht aus / das er das Gottheit heist/das Johannes  
blut heist/nemlich Jesu Christi blut / sonder er machet  
auch diesen verdacht/das er nicht von dem blut Christi  
rede/wie es als ein werck am creuz vergossen ist.

Zum andern spricht Oslander/die Gottheit Christi  
die im blut ist. Das ist ja genugsam verdecklicher weise ge-  
setzt/vnd der heiligen menschheit Christi zu nahe geredt/ als  
thete es allein die Gottheit/vñ nicht auch zugleich die men-  
scheit Christi/so es doch Gottes/vnd des menschen Chri-  
stus blut ist/das die einige person Gott vnd mensch ver-  
gossen hat/ vnd leidet sich nu keine trennung/vnd halt es  
genzlich mit Luthero/das es der blossen menschheit Chri-  
sti nicht ist zu zuschreiben. Vnd wie es nicht der blossen  
menschheit Christi ist zu zulegen/ also ist es auch allein der  
blossen

bloffen Gottheit Christi nicht zuzulegen/ Denn die person  
Jesus Christus ist Gote vnd mensch/ Diese person hat ir  
blut am creutz vergossen/ das es Gottes vnd des menschen  
Christus blut ist/ das vns gleubigē von sünden reiniget.

Ist aber das des Osianders meinung/ das die heilige  
menscheit Christi vñ sein heiliges blut allein der werck-  
zeug ist/ wie er diese wort deutlich setzet/ Man mus verste-  
hen die Gottheit Christi/ die durch seine menscheit in vns  
kompt/ das sie nicht auch zugleich mit seiner Gottheit/ vñ  
ser reinigung vñ gerechtigkeit sey/ sonder allein die blossē  
Gotheit im blut/ So macht er sich warlich selbst zu einem  
Zwinglianer/ vnd zu einem ergern Schwärmer den Sch-  
wencckfeld ist/ vnd thut mir öffentlich vnrecht/ das er mich  
einen Zwinglianer heisset. Aber auff diese weise fellet er das  
vrtail vber sich selbst/ das er von dem 3. Abentmal Chri-  
sti nichts rechts lere noch gleube/ denn ob er wol hefftig  
wider die Zwinglianer streitet / das man im Abentmal  
warhafftig den leib vñ blut Christi empfahē / so thu  
doch das fleisch vnd blut Christi nichts anders / sey vns  
auch nicht mehr nütz/ denn das es die Gotheit zu vns vnd  
in vns bringe. Daraus volgen noch zwoen irthum/ einer/  
das allein die gleubigen den waren leib vnd Blut Christi  
empfahen/ vnd die vngleubigen nicht/ Darnach das es ni-  
cht vnrecht sey/ wenn mann schon von den Papisten  
das Sacrament in einerley gestalt neme. Die leut so solches  
von intgehöret/ vnd denen er diesen Rat gegeben/ die sind  
noch im leben/ wollen jm das gestehen.

Was vnerhört seltsam ding wirt der man noch her-  
für geben/ wenn man in besser wird anzeppfen. Mit diesen  
worten (die Gotheit im blut) hat er ein wunderliche ver-  
wechslung mit dem Schwencckfeld: Wen Schwencckfeld  
spricht/ das blut in der Gottheit / das fleisch in der Gott-  
heit. Spricht Osiander dargegen/ Die Gottheit im Blut/  
die Gottheit im fleisch. Vnd wie kömpt es / das er dem

Schwencckfeld so gerad an diesem ort seine wort umbtes  
ret/ so sie doch sonst in vielen Artikeln ein gleiche Harmo-  
niam haben. Wenn Osiander spricht/ Die Gottheit allein  
macht vns gerecht/ vnd ist vnser gerechtigkeit/ Spricht  
Schwencckfeld/ allein Gottes Wort (das Gott selbs ist)  
macht vns gerecht. Schwencckfeld: Das eusserliche wort  
ist nicht das innerliche/ Es zeiget aber das innerliche an/  
vnd machts offenbar/ Das eusserliche wort wirt in den  
lufft geredt/ vnd vergehet bald/ das innerliche im bleibt/  
hertzen denn es ist kein laut noch stimme / sonder krafft/  
geist vñ leben/ vnd das lebendige wort Gottes selbst. Wo  
man in der 3. schrifft list Gottes wort/ mustu nicht die  
geschriebene Buchstaben verstehen/ sonder den Son Got-  
tes / Osiander: Das wort/ das man vns predigt/ vnd  
Gottes wort nennet / das ist je nur ein auswendige stimme  
vnd menschlich wort/ das durch menschen mund ein an-  
fang/ vñ im lufft bald wider ein end nimpt. Gottes wort  
aber ist ein inwendig geistlich/ ewig/ verborgen wort/ das  
Gott selbs ist etc. Das wirt vns durch das auswendig  
wort eröffnet/ vnd mitgeteilet etc. Das eusserlich wort ist  
nicht das inwendig/ es zeigts aber an/ vnd machts offen-  
bar etc. Schwencckfeld / Das ist das rechte zeichen an den  
Lutherischen predigern / das ire leer falsch vnd irthumb  
ist/ denn die leut vnd ire zuhörer werden nichts besser/ man  
findet die größten schand vnd laster vnter ihnen/ darnach  
sagen sie denn/ gleub nur/ so wird dir Gott deine sünde ni-  
cht zurechnen/ bekeren also mit irer lehr niemand/ vñ las-  
sen den Sünder hernach bleiben/ wie er vor gewesen ist. Osi-  
ander/ das ist der Heuchler predig/ das sie leren/ Unser ge-  
rechtigkeit sey nichts anders/ denn das vns Got für gerecht  
helt/ ob wir gleich böse Buben sind/ Vnter dieser leer kön-  
nen sich Wucherer/ Rauber/ Dieb/ Lügner/ Trieger/ Sch-  
welger/ Zurer/ Ehebrecher/ etc. verbergen / vnd dennoch  
Christen sein/ denn sie lest den Sünder bleiben wie er ist.

Solche

Solche vñ der gleichen einigkeit des Osiandrischen  
vñ Schweneckfeldischen Geistes/were noch mehr aus ire  
büchern zubeweisen/ob wol sonst ire lere von der Person/  
vnd naturen Christi ganz vngleich lauten/ ist aber doch  
in der warheit des Teuffels einiger list/ allein/ das er es  
offt mit andern worten furgibt/ das wir entwo: der sollen  
irre werden/den glauben vnd das gebet fallen lassen/ von  
Christo vnserm Mittler vñ Heiland nichts rechts wissen/  
Oder/das wir Christum vnd die seligkeit gar verlieren/  
Darumb greiffe ers ein weil grob vnd tölpisch an/ mit  
des Papsts abgötterey / mit Interim/ vnd Mittelding /  
mit verfolgung vnd Krieg/ Ein weil aber mit grosser  
menschlicher klugheit / scherff vnd spitzfündigkeit/vñ  
das so viel deste hefftiger/weil jm nu das gericht Gottes  
auff dem hals ligt.

Letzlich klagt er auch vber mich (wie er des aus sei-  
ner Factor schreiben bericht) als das ich keinen rechten  
glauben von der einwohnung Gottes haben solt/vnd weis  
doch nicht/was er daran tadeln sol. Denn er kan je ni-  
cht sagen/das ich jemals geleugnet het / das die/ die ge-  
recht sein/durch den glauben an Christum nicht auch den  
H. Geist warhafftig bey sich solten haben/ vnd das Gott  
der Vater/Son vñ Heiliger Geist / in seinem tempel nicht  
wonen solt. Ich behalt für vnd für die rechte Apostolis-  
sche ordnung von der Rechtfertigung des glaubens vñ der  
einwohnung Gottes in den gienbigen/ das die einwohnung  
nicht sey der Rechtfertigung ursach / wie Osiander izt  
selbst im Schmeckbier bekennet/sonder/ das die Rechtfer-  
tigung der einwohnung ursach sey/die nicht gerechtferti-  
get sein / das sie keine vergebung der sünden haben/ durch  
den glauben an Christum/ In denen wonet Gott nicht/die  
haben den H. Geist nicht/Die den H. Geist nicht haben/  
die sind nicht ein. Dargegen die gerechtfertiget sein/ vnd  
haben vergebung irer sünden/durch den glauben an Chri-  
stum.

stüm/die sind der 3. Tempel Gottes/darin Gott wonet/vñ  
haben den 3. Geist wie S. Paulus diese ordnung behelt  
Ro. 8. Welche er aber verordnet hat/die hat er auch be-  
ruffen/welche er aber beruffen hat/die hat er auch gerecht  
gemacht/welche er aber hat gerecht gemacht/die hat er  
auch herrlich gemacht/Joh. 14. Wer mich liebet/der wird  
meine wort halten/vnd mein Vater wird ihn lieben / vnd  
wir werden zu ihm komen/vnd wohnungbey jm machen.

Wie könt ich sonst den glauben an Christum erhal-  
ten/das mir Gott meine sünde vergeben vnd mich durch  
das leiden vnd sterben seines lieben Sones von sünden ge-  
rechtfertiget habe/in dem das mein sünde auff Christo lie-  
gen/vnd seine gerechtigkeit/erfüllung des gesetzes/vnd sein  
verdienst durch den glauben mir zugerechnet/wenn er ni-  
cht selbst in mir wolt wohnen durch den glauben? Solt  
ich wider so gewaltige feinde vñ anlauff des Satans/der  
sündē /der welt vñ meines eigē fleisches bestehē / so mus  
es warlich Christus mit seinem 3. Geist in mir thun vnd  
wircken Ich bin viel zu schwach. Darumb wonet Gott in  
den gerechtfertigten Christen / das sie in Gottes gnaden  
bleiben/vnd ihre glieder zu waffen der gerechtigkeit bege-  
ben/das die sünde vber sie nicht hersche zum tod/wie denn  
D. Luthter sehr herrlich von dieser vnterscheid der Rechtf-  
fertigung vnd einwohnung Gottes redet/das/ob schon ei-  
nes on das ander nicht kan sein/wie auch der glaub one  
gute werck nicht/dennoch mus man einem jedlichen seinen  
namen/eigenschaft/wirckung vñ was jm gehöret lassen/  
das man es nicht alles vnternander menge/vnd die leut irre  
mache/das sie nicht wissen/wie sie daran sein.

Also spricht er vber das Euangelium am Pfingstag.  
Das sind die zwey stück/so die Christen von Gott empfa-  
hen (wie sie S. Paulus Rom. 5. vnterschiedlich nennet)  
Gnade vnd gabe. Gnade vergibt die sünd / schafft den  
gewissen trost vnd friede/vnd setzet den menschen in das  
Reich

Reich Göttlicher barmherzigkeit / wie es denn heist ein Reich der Gnaden Psal. 116. Seine gnade vnd warheit wal tet vnd regiret vber vns in ewigkeit. Die gabe aber / oder das geschenck ist / das der H. Geist wircket im menschen / newe gedancken / sinn / hertz / sterck vnd leben.

Das meinet er nu hie (nemlich die gabe) in dem stück da er sagt. Wir wollen wonung bey ihm machen / Solch s sol folgen der Gnade vnd liebe Gottes / das der menschen hertz werde ein Thron vnd Stuel der hohen Maiestet (der mus sein besser vnd edler / denn himel vnd erden) wie S. Paulus 1. Cor. 3. sag / der Tempel Gottes ist heilig / der seid jr. etc. Item 2. Cor. 3. Ir seid der tempel des lebendigē Got tes / wie denn Gott spricht. Ich wil in ihnen wonen / vnd in jnen wandeln.

Das gehet also zu / das Gott vber die gnade / so der mensch anfeht zu glauben / vnd sich an das wort heit / auch im menschen regiret / durch seine Göttliche krafft vnd wirkung / das er wird jmer mehr vnd mehr erleuchtet / rei cher vnd gewaltig an geistlichem verstand vnd weisheit / zu erkennen / richten vnd vrtailen / von allerley lere vnd sache n. Darnach auch im leben vnd guten fruchten teglich zunimpt / vnd fort feret / vñ wird ein gütiger / sanffemütiger geduldiger mensch / iderman dienet / mit lerē / ratē / trösten vñ geben / Gott vnd den menschen nüt / durch welche vñ vmb des willen landen vnd leuten geholffen wird / Vnd sum ma / ein solcher man / durch welchen Gott beide lebet / redet vnd wircket / was er lebet / redt vnd thut / seine zunge ist Gottes zunge / seine handt ist Gottes hand / vnd sein wort ist nicht mehr menschen / sonder Gottes wort.

In der Vorrede vber die Epistel an die Römer. Gnade vnd gabe sind des vnterscheids / das Gnade eigent lich heisset Gottes hulde oder gunst / die er zu vns treget bey sich selbs / das ist / wie er vber den 15 Psalm schreibet /

die gnad so vns durch den H. Ern Christum verkündi-  
get ist/ das wir durch Christum einen gnedigen Gott ha-  
ben/ vnd vns die sünd nicht mehr beschuldigen/ noch an-  
klagen kan/ sondern das nu das gewissen durch zuuersicht  
Göttlicher barmhertzigkeit/ frey/ sicher/ vnd zu frieden  
sein kan/ Denn ein solcher mensch hat die gnad vñ barm-  
hertzigkeit Gottes/ das er für Gott gerecht vnd from ist/  
durch den glauben) Aus welcher (gnad) Gott geneiget  
wird/ Christum vnd den geist mit seinen gaben in vns zu-  
giessen/ wie das aus dem 5. Cap. klar wird/ da er spricht/  
Gnade vnd gabe in Christo etc. Ob nu wol die gaben  
vnd der geist in vns teglich zunemen/ vnd noch nicht vol-  
komen sind (Denn wir haben doch nur des geistes erst-  
lingen) das also noch böse lüste/ vnd sünde in vns ober-  
bleiben/ welche wider den geist streitten/ wie er sagt. Rom.  
>. Gal. 5. vnd wie Gen. 1. vñ 2. verkündiget ist / der haddet  
zwischen des Weibes Samen vnd der schlangen samem/  
so thut doch die gnade so viel / das wir ganz vnd für  
vol gerecht für Gott gerechnet werden. Denn seine gna-  
de teilet vnd stücket sich nicht/ wie die gaben thun/ sondern  
nimpt vns ganz vnd gar auff in die hulde/ vmb Chris-  
tus vnser Fürsprechers/ vnd Mieters willen.

Darumb mus allezeit die gnade vor dergabe herge-  
hen/ vnd in dem ganzen leben vber alles walten/ das man  
die armen sündler lerne/ wie sie Bus thun/ vnd für Gott  
sollen gerecht sein/ das sie zu einem heiligen Tempel Got-  
tes werden/ aufferbawet/ Darnach wie Gote in ihnen wol-  
le wonen / vnd was er selbst bey solchen gleubigen thun  
vñ wircken wolle.

Diervon ich denn auff keine andere weise von der ein-  
wohnung halte/ gleube vnd lere / denn wie die 3. schrifft  
diesen unterschied behelt/ vnd der selige D. Lutherus / vnd  
andere Christliche lerer / auch der Oslander selbst in sei-  
nem



nem Catechismo / achte ich Osiander het der einwohnung  
halben/mich keinen groben ungelerten Schwärmer dürf-  
fen heissen. Denn ob ich mir schon selbst nicht grosser  
kunst berouft / auch nicht rühme / vnd mein grobheit  
vnd ungeschickligkeit erkenne / das ich armes Schülers  
lein billich an dem herlichen reigen / so viel geleter  
Herrn/nicht solt stehen/oder aber gar an der letze/ So bin  
ich dennoch viel lieber ein einfeltiger guter Christ/der bey  
der rechten reinen warheit bleibet / denn ein Hochgeler-  
ter rühmreichter irgeist / der land vnd leut/ vnd die  
heilige Kirché Gottes vnruhig machet/viel hundert see-  
len verführet/ vnd viel tausent menschen ergert /vnd irre  
macht.

Wie geht es doch zu / das Osiander so hart auff  
die einwohnung dringet / vnd darmit ganz himlische  
Götter vnd lebendige Heiltgen machen wil / die in der  
that vnd warheit gerecht/from/heilig gemacht/ vnd von  
den Sünden gereiniget sind/durch das wesen Gottes/vñ  
seine Göttliche Natur / also das die ganzen fülle der  
Gottheit/wie sie leibhafftig in Christo ist/ auch in ihnen  
wone? Das sich aber solche einwohnung bey ihm so  
gar wenig erzeiget? Die leichtfertigen Schmachwort /  
das greulich wüthen vñ toben/das freydige drohen vnd  
pochen/sein grimmiger zorn/ vnd sein leidige grosse ehr-  
geiz/vnd hochfart/die keines Christlichen lerers verschö-  
net/ alles vber einen hauffen verachtet/ schmehet / schen-  
det vnd vnehrlicher weis lügenstraffe/ das sind ja nicht  
früchte eines guten Geistes / sonderlich eines vergöteten  
Heiligen/ der in der that vnd warheit gerecht gemacht  
ist. Wie wenn die früchte anzeigen/das der Baum ni-  
cht gut / vnd die einwohnung nicht Gottes/ sonder des  
bösen Geistes were? Aber das wird der HERR  
zu seiner zeit alles offenbar machen / vnd richten / vnd  
einem izlichen vergelten nach seinen wercken / das die  
E lesterer

lesterer 1. Cor. 6. Gottes Reich nicht sollen erben. Der  
Gott vnd Vater vnser lieben **HERRN** Jesu Christi/  
der wolle seinen Heiligen Geist darzu geben/ das sich die  
verirreten vnd verfürten erkennen / busthun / vnd widera  
keren / das erschreckliche ergernis / vnd spaltung  
wenden/ vnd seine heilige Kirchen in heilsamer  
reiner vngeselschter warheit des Euangelij  
vor allem irthum/ vnd falscher lere bea  
waren/ vnd in Gottseliger einigkeit  
bis an das ende behalten.



